

Ingoa: _____ Rangi: ____/____/____

Te Kaiwhai

Nā Marie Waiomio rāua ko Iwa Toia

Whatukura

E āta hīkoi ana a Māia i te karaihe, ka ngaoki haere mā te taha o te taiapa, ka tū. Pakō! Ka pahū tōna ao. “III... aaa... ooo!” Kua mau tōna wae i tētahi rore. He mamae tino kino rawa atu. Ka takoto noa mō tētahi wā, ko ōna karu anake e nuku ana. Ka memeha iho te mamae.

Ka rongo a ia i tētahi reo e karanga ana, “Māia! Māia! Kei hea koe?” Ka auē atu a ia engari he tawhiti rawa kia rangona. Ka rongo i te kakara o tētahi mea e pātata ana. Kua mau te kiore mā tōna wae pai. Ka kainga e ia, he tino reka. Ka mutu, ka horoi, ka moe anō.

Ka haere tonu ngā rā. Ka noho tonu ki raro i te maru o te kahikatoa. I ētahi wā ka rongo a ia i tētahi reo e karanga ana i tōna ingoa. Ka nekeneke atu ia ki raro i te kahikatoa. Ka āta noho a Māia. Ka rongo e whatiwhati ana ngā manga i runga ake i tōna mātenga. Ka ngēngere ake a ia.

Ka rongo a Māia. “Haere mai, māku koe e tuku.” Ka āta kōrero, ka hokomirimiri i a Māia i te wā e huaki ana i te rore ka rongo a Māia i te ngakeke o te rore.

Peke ake ana a ia, kua makere ia. Ka toti haere a Māia ki te kāinga, ko te tangata e oma ana i muri. I te kāinga, ka kai a Māia – he mīti, he miraka, i tōna ake moenga i mua i te pākaiahi. I ētahi wā ka mau noa he kiore. Engari, i te nuinga o te wā, he moe te mahi.